

En òlla de seng kriager, va geister ont va hait, as storm sai' ont as nea'mer hom kinnt umkearn en sai' lòn.

A kraiz a'ne nu'm

Ber pist du, òrmer kriager,
do unter a kraiz a'ne nu'm?

Storm do en a vremms lòn,
nea'met as hòt er gem de hònt.

Nea'met as zua kimmp,
as boas bou de du pist.

Ober, sai' gabis, vergèssn pist du nia kemmen,
aus en hèrz van dai'na lait, hòt de der kriag nèt vort kinnt nemmen.

De dai'na lait as hom de tsechen vort gea',
hom gabòrtn òll to za sechen de bider de tir au tea'.

Ont benn as de verstònne hom as du hast nea'mer um kinnt kearn,
en sai' loat hòst du finz do gabis kinnt hearn.

S dai' jung lem
hòst ver en dai' lòn gem.

Ont i bellt der song as eppes ganuzt ist,
as iaz as doi bèlt der kriag nea'mer ist.

Ober asou is nèt,
der kriag hòt ens bea'ne galeart.

Ber pist du, òrmer kriager,
do unter a kraiz a'ne nu'm?

25.12.1915 en Banechto, za vaiern s Kristkindl, ver an to de kriager lògn semm de picksn ont gea'
za Mess òlla zòmmen, abia menn der krieg garift bar.

25.12. 1915

Hait sai' ber do,
òlla zòmmen.
Taitscha ont balscha,
òlla glaich.
I schaug de u en de ang,
i sich a mensch abia i,
en glaich vorch,
en glaich loat.
Du aa hòst oa's as bòrtet de hoa'm,
oa's hòt er no gareart en diar aa.
Du aa abia i pist su', voter, pruader,
du aa abia i tuast er voursn-"Vavai?"-
Vavai der doi krieg?
Der schaug u en glaich himbl,
der tretn de glaich eart.
S hèrz hòt nèt a vòrb,
s klòfft de glaich sprochen,
der sai' priader.
Vavai mias ber ens en ònder teatn?
Geb ber ens ea'ter de hònt hait ont morg aa
ont kear ber um hoa'm!
Dòs bar s pest ding za tea'!
Ont voursn ens vavai vour as der krieg vònk u,
nèt benn as der garift ist.
Guata Banechtn kriager!
Guata Banechtn priader!